

# 囑累品第十四

## (一) 付囑彌勒

<p>於是，佛告彌勒菩薩言：「彌勒！我今以是無量億阿僧祇劫，所集阿耨多羅三藐三菩提法，付囑於汝。如是輩經，於佛滅後，末世之中，汝等當以神力，廣宣流布於閻浮提，無令斷絕！」</p>			
<p>所以者何？</p>		<p>① 未來世中，當有善男子！善女人！及天龍鬼神乾闥婆、羅剎等，發阿耨多羅三藐三菩提心，樂於大法；                  ② 若使不聞如是等經，則失善利；如此輩人，聞是等經，必多信樂，發希有心。                  ③ 當以頂受，隨諸眾生，所應得利，而為廣說。</p>	
<p>彌勒！</p>	<p>當知菩薩有二相。何謂為二？</p>	<p>① 一者、好於雜句、文飾之事。                  ② 二者、不畏深義、如實能入。</p>	<p>① 若好雜句、文飾事者，當知是為新學菩薩；                  ② 若於如是無染無著甚深經典，無有恐懼，能入其中，聞已心淨，受持讀誦，如說修行，當知是為久修道行。</p>
<p>彌勒！</p>	<p>復有二法，名新學者，不能決定於甚深法。何等為二？</p>	<p>① 一者、所未聞深經，聞之驚怖生疑，不能隨順，毀謗不信，而作是言：「我初不聞，從何所來？」                  ② 二者、若有護持解說如是深經者，不肯親近、供養、恭敬，或時於中，說其過惡。</p>	<p>有此二法，當知是新學菩薩，為自毀傷，不能於深法中，調伏其心。</p>
<p>彌勒！</p>	<p>復有二法，菩薩雖信解深法，猶自毀傷，而不能得無生法忍。何等為二？</p>	<p>① 一者、輕慢新學菩薩，而不教誨；                  ② 二者、雖信解深法，而取相分別。</p>	<p>是為二法。」</p>
	<p>彌勒菩薩聞說是已，白佛言：「世尊！未曾有也。如佛所說，我當遠離如斯之惡，奉持如來無數阿僧祇劫所集阿耨多羅三藐三菩提法。</p>	<p>① 若未來世，善男子！善女人！求大乘者，當令手得如是等經，與其念力，使受持、讀誦，為他廣說。                  ② 世尊！若後末世，有能受持、讀誦，為他說者，當知是彌勒神力之所建立。」</p>	<p>佛言：「善哉！善哉！彌勒！如汝所說，佛助爾喜。」</p>

於是，一切菩薩合掌白佛：「我等亦於如來滅後，十方國土，廣宣流布阿耨多羅三藐三菩提法，復當開導諸說法者，令得是經！」

爾時，四天王白佛言：「世尊！在在處處，城邑、聚落，山林、曠野，有是經卷，讀誦、解說者，我當率諸眷屬，為聽法故，往詣其所，擁護其人，面百由旬，令無伺求得其便者。」

## (二) 總結經名

是時，佛告阿難：「受持是經，廣宣流布。」		
阿難言：「唯！我已受持要者。世尊！當何名斯經？」	① 名為：『維摩詰所說』。 ② 亦名『不可思議解脫法門』。	如是受持！」
佛言：「阿難！是經：	佛說是經已，長者維摩詰、文殊師利、舍利弗、阿難等，及諸天、人、阿修羅，一切大眾，聞佛所說，皆大歡喜，信受奉行。	